



Venezuela cum parte Australi Novae Andalusiae.

<https://hdl.handle.net/1874/430097>




VENEZUELA, &c.

Margaritarum capturam mare conscendunt: ad quam rem Æthiopum, aut Nigrorum opera utuntur, quos huc à Capite Viridi, Guinea & Angola ex Africa tranſvectant, quos ipſos ibi precio emunt, ac mox urinandi artem docent. In inſulam Hiſpanos ultro recepere Indi, ac margaritarum theſauros, apud ſuos nullo in pretio, aperuere; quam ob cauſam Rex omnes liberos pronunciavit, proque amicis ſuis & ſociis agnovit, ipſi vice verſa Hiſpanis addiſtiſſimi. Hodie, cum margaritarum piſcatio defecerit proſus, etiam inſula negligitur.

Cumana.

Ipſa novæ Andaluſiæ continens initium capit à promontorio *C. de Salinas*, extenditurque ad cuſpidem *P. d' Araya*, ubi celeberrimæ quoque ſunt ſalinæ. Lacus hic reperitur non longe à litore, ſaliſus, plenusque ſalis, Belgis noſtris noſtiſſimus. regio vicina cervos, hinnulos, lepores, cuniculoſque gignit, etiam noxia animalia, angues, tygridesque. Præcipua ejus provincia *Cumana* eſt, è regione Inſulæ Margaritæ poſita, plena animalium, quæ Indi *Caimannes*, Hiſpani *Lagartos* vocant, plane ſimilia iis Crocodilis, quos Nilus alit. Supra *Cumanam* ſinus ſe in terras inſinuat, vulgo *Golfo de Cariaco*, cujus undique ripa habitata fuit à Barbaris, nude incedentibus. Hi ad bellum profecturi pallio ſe tegebant, pulcherrimiſque avium plumis caput exornabant. Feſtis diebus totum corpus viſcoſo glutine inungunt, eique elegantioris formæ plumas applicant. Supra auriculas tondebantur. mento evellebant barbam. In precio maxime habebant dentes nigros, quos herbam maſticando tales eſſe faciebant. Virgines proſus nudæ prodibant, nec ſacrum illis virginitatis nomen. Suras amant toroſas, ideoque, ut extumefcant, faſciis infra poplitem arctius pedes ſtringunt. Vxores femoralia induunt, & pudice ſatis vitam tranſigunt, cum in viri poteſtate ſit ab adultera pœnas repoſcere. Penes Dominos poteſtas eſt plures alendi uxores, quas quoties hoſpitibus gratificari volunt, iis uſurarias concedunt. Feminæ ſaltandi, nãtandi, jaculandi peritiſſimæ ſunt, de partus doloribus non valde conqueruntur. Infantibus caput pulvinaribus ex goſſypio obligant, ut graciles ipſis creſcant genæ, nec turgæant.



VENEZUELA, &c.

Ad eundem lacum, & aliud municipium aſſidet, quod vulgo Lagunam vocant, commerciis cum vicinis provinciis opportunum. Anno 1559 colonos accepit Truxillo, duce *Diego Guarcia de Paredes*.

Huic Præfecturæ plus quam 10000 Indi tributum pendunt, iis excluſis, qui decimumoctavum annum nondum exceſſerunt, tum & iis, qui quinquageſimum exceſſerunt. Vnice enim hoc cavet Indicarum rerum Camera, ne ab his per univerſum novum orbem tributa exigantur. Accreſcente vero ac decreſcente hominum indies multitudine, certus tributatorum numerus definiri non poteſt.

Lacus *de Maracaybo* aquas habet dulces, & ab ipſa navium ſtatione in mediterranea loca ad leucas excurrit 40. Latitudinem habet 10 leucarum, ambitum 80, multis paſſim in ripa inſignitus pagis. Vbi terminatur, fluvius in illum deſinit è novo Regno Granatenſi ortus, per quem, uti & per lacum ipſum, merces in novam Caſtellam alioſque tractus devehuntur. In quibuſdam hujus lacus partibus nulla circumcirca apparet terræ ripa. Alia in illum exonerantur flumina majora, ipſe in mare excurrit, oſtiumque habet latitudinis ſemileucæ, in quo rupes eſt edita.

Promontoria, portus, cuſpides hujus Præfecturæ, necnon Inſulæ jam inde à Maracapanâ *Promontoria, inſulæ, ſtuvia.* ſunt; *La Vrbila*, Inſula è regione fluminis Oynare ſita, qui piſcoſiſſimus eſt, præter aliam *Roca de los Iſleos*: hinc promontorium *de Cordera*, & portus *Fleſchado*, necnon *Sardinas*, & ex oppoſito inſula *de Aves*: ulterius portus *Burburata*, ubi ſalinæ ſunt, ſedeſque Hiſpanorum. At verſus interiora ſex à mari leucis lacus eſt *Tocarigua*, dulces aquas ſufficiens. Sequitur ad littus *Golfo Triſte*, & è regione inſula *Bonayre*: porro cuſpis *Seca*, & ex adverſo inſula *Curacao*, ad cujus latus Boreale navibus optima propter maris altitudinem ſtatio eſt. In hac tanta eſt pecorum copia, ut ex ſolis exuviis lucrum quærant indigenæ. Paulo ulterius verſus Occidentem Curacaute jacet, ex oppoſito cabo *S. Roman*; inde inſula *Aruba*. Atque hæc quidem tres inſulæ Curacao, Bonayre, Aruba, ab Indis habitatæ ſunt, qui Chriſtianam amplexi ſunt religionem, adeoque ingenio, animique dotibus valent.

Promontorium *S. Roman* 20 leucis in mare excurrit, peninſulæ forma. ſolum planum, in cujus fere medio mons exſurgit, longius à littore ſpectabilis. Poſt hoc oſtium ſe pandit Sinus *Venezuelæ*, & fluvius *Mitare*, & tres inſulæ *los Monges*, quarum una montem habet. Hinc *Cabo de Coquibocoa*, ubi ſolum ſtateræ uſus ac probandi auri ars obſervatur. Sequitur *Baja bonda & del Portete*, & poſtremo *Cabo de Vela*, altit. grad. 12, & 18 à fluvio *de la Hacha* leucis.

Decreverant hic loci Germani anno 1536 civitatem ædificare, verum cum deprehendiſſent ſolum omne planum eſſe, nec ullis montibus aſurgere, aridum, infrugiferumque, fluviorum adhæc expers, nec incolæ mayzo veſci, verum ſola venatione ac piſcatione ſibi victum quæritare, ac panis loco ſeminibus herbæ cujuſdam agreſtis uti, à cæpto deſtiterunt. Sub ipſo tamen promontorio navium ſtatio eſt commoda fidaque, vado arenolo.

Fluvius *de la Hacha* Venezuelam inter & *S. Martham* labitur, in eo nulla deprehenduntur auri veſtigia. Regunt urbem prætores ſubordinati Hiſpaniolæ; in ſpiritualibus ſubditi Episcopatu *S. Marthæ*. Situs eſt locus mille à mari paſſibus, in colle humili. Portus Boream verſus patet. Solum fertiliſſimum eſt, eoſdemque quos Caſtella fructus proferit. Multas habet tygres, culices, flumina crocodilis ſcatent. Auro & gemmis precioſis abundat, quæ peculiari facultate, coli, renum, lienis affectus, uti & diarrhæam ſanant. Salinas inſuper habet.

Nova Andaluſia Venezuelæ contermina eſt ad Ortum: dicitur & *Paria*; vaſta regio eſt, nec *Nova Andaluſia* dum ſatis cognita, ſub qua ampliſſimum flumen, quod vulgo dicunt *Oronoque*, comprehenditur. In hac provincia jacet *Cumana*, exiguum oppidum, ad ſinum maris, qui Arayam provinciam dividit. E regione hujus oppidi ſunt celeberrimæ illæ ſalinæ, quæ cum multis annis omnibus nationibus, & præſertim noſtratibus patuiſſent, ſuperioribus demum annis à Rege Hiſpaniarum valida arce faucibus illarum appoſita, velut occluſæ fuerunt. Porro ad ripam fluminis *Oronoque*, quod quam plurimis alveis in Oceanum evolvitur, ex adverſo inſulæ *Trinitatis*, unum & invalidum oppidum incolunt Hiſpani, quod vocant *S. Thomæ*, quod ſuperioribus annis ab Angliſ direptum, duci illorum *Waltero Ralegho* fortiffimo equiti exitum maturavit. Ab hoc loco magno diſpendio & multorum exitio hæctenus fruſtra Hiſpani ſibi aditum parare conati ſunt ad illam tantopere celebratam Gujanam, ſive *Dorado*. Littori objacent ex adverſo inſulæ complures, quarum præcipua eſt *Margarita*, quam primum detexit Chriſtophorus Columbus anno 1498. longa eſt leucas 15, lata 6, amœniſſima & viſcens ubique, incolis reſerta, ſex ſeptemve à continente leucis. Inter hanc & inſulam duæ aliæ interjacent minores inſulæ, *Cubagua*, & *Coche*. At *Margarita* ab arborum multitudine, paſcuſ, proventu mayzi, aliſque fructibus commendatur. Duo habet Hiſpanorum oppida, unum in ipſo maris littore prope arcem, in qua reſidet Gubernator, alterum duabus à littore leucis, portum ad Boreale latus commodum ſatis aperiens. Ad latus Orientale ſyrtis inſulæque minores jacent, *Los Teſtigos* dictæ. Teſtantur noſtri inſulam hanc ſitu eſſe editiore, & ab utraque parte montofam; interiora vix alendis incolis ſufficere. piſcatio circa inſulam felix eſt, unde maxime victitant. Multi hic celoces ſunt, quibus ad

AMERICA.

G

Margarita-